



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

LWETI 2024

TICONDZISO TEKUMAKA

EMAMAKI: 100

Leticondziso tekumaka tinemakhasi la-11.

SIGABA A: INDZABA**UMBUTO 1: KUBHALWA KWENDZABA (340–390 emagama.) (50 emamaki)**

CAPHELA: Kuyo yonkhe imibhalo cikelela linani lemagama lelimisiwe. Indzaba lephatselene nesitfombe ayinikwe sihloko.

Kwemukelekile kutsi umhlolwa abhale sihloko nobe inombolo yembuto lawukhetsile.

1.1 *Ngasitwa kufika kwemoto yemaphoyisa*

LOKUBALULEKILE:

- Umhlolwa kulindzeleke kutsi abhale ngesehlakalo nobe sigameko lesamehlela wate walanyulelwa kufika kwemaphoyisa.
- Indzaba kungenteka ilandzise/ivete limuva lembhali/ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.2 *Lusha alusenandzaba ...*

LOKUBALULEKILE:

- Umhlolwa kulindzeleke kutsi abhale ngetintfo letibufakazi bekutsi lusha alusenandzaba. (Sib. Kutiphatsa, kugcoka nekudla tindzakamiva. njll.)
- Indzaba kungenteka ichaze/ilandzise/**ibe hlangotsilunye/nhlangotsimbili.**
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.3 *Ngabe angikho lapha lamuhla ...*

LOKUBALULEKILE:

- Umhlolwa kulindzeleke kutsi abhale ngesimo labekakuso ekucaleni nalatitfolo akuso lamuhla. Kungenteka leso simo sihle nobe sibi. **Angabhala ngekutsi ukulesimo lakuso ngobe asitwe ngumuntfu lotsite.**
- Indzaba kungenteka ivete limuva lembhali/ilandzise/ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.4 *Mabonakudze angasakha nobe asibhidlite similo semuntfu*

LOKUBALULEKILE:

- Umhlolwa kulindzeleke kutsi avete umbono wakhe ngemisebenti yamabonakudze kutsi usakha ngayiphi indlela nobe usibhidlita njani similo semuntfu.
- Indzaba kungenteka ilandzise/ibe hlangotsilunye/ichaze/ibe nhlangotsimbili.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.5 *Emakhono etandla angayitfufukisa imimango*

LOKUBALULEKILE:

- Umhlolwa kulindzeleke kutsi abhale ngemakhono etandla lahlukahlukene langatfufukisa imimango.
- Indzaba kungenteka ibe hlangotsilunye/nhlangotsimbili/ichaze/ilandzise
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

- 1.6– Tonkhe tindzaba letiphatselene netitfombe tingatsatsa nobe nguluphi luhlobo
1.8 lwenzaba: indzaba lelandzisako, lechazako, lehlangotsilunye, lenhlangotsimbili naleveta limuva lembhali.

LOKUBALULEKILE:

- Umhlolwa kulindzeleke kutsi avete emaphuzu lavakalako lahambelana nesitfombe, angagudluqi kuso.
1.6 Sib. Bahlolwa bangabhala ngalokwenteka mhla abhala luhlolo/angaveta imiva yakhe ngaso lesikhatsi abhala luhlolo nangemphilo yakhe asengumfundzi/**Angabhala ngemfundvo.**
1.7 Sib. Bahlolwa bangabhala ngetidzakamiva/bangabhala nangalokuphatselene netidzakamiva nekuboshwa/**Imiphumela yekushayela unatse tjwala.**
1.8 Sib. Bangabhala ngenhlupheko/Kunakekelwa kwebantfu lasebakhululile/Imphilo yasemakhaya.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

CAPHELA: Kwabiwa kwemamaki: (Bona irubhriki)

SAMBA SESIGABA A: 50

SIGABA B: EMATHEKSTHI EMIBHALOMBIKO

**UMBUTO 2: IMIBHALOMBIKO (100–120 emagama itheksthi ngayinye)
(50 emamaki)**

2.1 INCWADZI YEBUHLOBO**SAKHIWO:****Incwadzi ayifake loku lokulandzelako:**

- Singeniso, umtimba nesiphetfo.
- Likheli linye leliphелеle lelingakafakwa timphawu tekubhala nekufundza lelisesandleni sekudla.
- Likheli liba nelusuku, inyanga ibhalwe ngeSiswati (Sib. 17 Lweti 2024)
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete buhlobo lobukhona emkhatsini walobhalako nalobhalelwako. Sib. Mngani/Lomkhuleko)
- Kweciwa umugca ngembikwesingeniso.
- Singeniso lesetfula loku lekutawucocwa ngako.
- Kweciwa umugca emva kwaleyo naleyo ndzima.
- Tindzima letinemicondvo lebumbene.
- Kweciwa umugca ngembikwesiphetfo.
- Siphetfo lesisonga loku lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokuhambelana nesibingelelo. (Sivaleliso kufanele sivete buhlobo lobukhona emkhatsini walobhalako nalobhalelwako. Sib. Ngimi umngani wakho.)
- Sibongo asifakwa.

LOKUBALULEKILE:

- Incwadzi ayivete umhlolwa abonga loku lakwentelwe ngumngani wakhe ngemuva kwekushelwa timphahla takhe tonkhe.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)

[25]

2.2 I-ATHIKILI YELIPHEPHABHUKU

SAKHIWO

- I-Athikili yeliphephabhuku ayifake loku lokulandzelako:
- Singeniso, umtimba nesiphetfo.
- Sihloko se-athikili (Kufundzisa bontsanga ngetindlela tekubeka imali letingabaphumelelisa.)
- Lusuku lokubhalwe ngayo le-athikili.
- Ligama lemhleli weliphephabhuku.
- Ligama leliphephabhuku leya kulo.
- Lokucuketfwe. (Kufundzisa bontsanga ngetindlela tekubeka imali letingabaphumelelisa.)
- Kubhalwa ngetindzima nobe ngemaphuzu/ngemakholomu.
- Kusetjentiswa kwemafonti lahlukahlukene.
- Tincomo.

LOKUBALULEKILE:

- Akubhalwe i-athikili yeliphephabhuku lephatselene nekufundzisa bontsanga ngetindlela tekubeka imali letingabaphumelelisa.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)

[25]

2.3 INKHULUMOMPHENDVULWANO

SAKHIWO:

Inkhulumomphendvulwano ayifake loku lokulandzelako:

- Singeniso.
- Umtimba.
- Siphetfo.
- Luhlaka (Emagama alabhukumako abhalwa ngasesandleni sesancele bese kufakwa ikholoni, bokhulunyiwe abafakwa, lokwentekako kubhalwa kubakaki.)
- Kusetjentiswa inkhulumongco.

LOKUBALULEKILE:

- Akube ngumhlolwa nemtali wakhe labakhukumako. **(Umhlolwa akabetse emabito labakhukumako. Sibonelo, Make LaNkhosi/ Babe Sibeko/ LaNkhosi/ Sipho/ Sibeko, njll.)**
- Akukhulunywe ngenjabulo labanayo ngenca yemiklomelo leminyenti.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)

[25]

2.4 **UMLANDVOMUFI****SAKHIWO:****Umlandvomufi awufake loku lokulandzelako:**

- Singeniso, umtimba nesiphetfo.
- Sihloko semlandvomufi. Sib. Umlandvomufi wa ... (Ligama nesibongo semufi.)
- Ligama nesibongo semufi nelusuku latalwa ngalo.
- Indzawo latalwa kuyo nalashonele kuyo.
- Batali bakhe, (Sebashona/basaphila.)
- Wesingaki ekhaya ngekutalwa.
- Imfundvo yakhe.
- Umsebenti wakhe.
- Indlela nelusuku lashone ngalo.
- Umndeni wakhe lawushiya emhlabeni.
- Emavi ekumvalelisa. (Sib. Lala ngekuthula/Tinanatelo temufi njll.)

LOKUBALULEKILE:

- Umlandvomufi awuvete budlelwane emkhatsini wemufi nalobhalako kanye nesikhundla labesiphetse emmangweni.
- Umhlole akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)**[25]**2.5 **I-IMEYILI YEMTSETFO****LOKUCUKETFE:****I-imeyili yemtsetfo ayifake loku lokulandzelako:****SAKHIWO:**

- Iba nelikheli le-imeyili lalobhalelwako. (Sib. nozikhonalb@gmail.com).
- Akuvele emakheli alabo lababhalelwako ngekubaluleka kwabo.
- Akucalwe ngalobaluleke kakhulu. (Sib. Iyaku: nozikhonalb@gmail.com)
- Akulandzelwe ngalowelama lobaluleke kakhulu lobekwe esikhaleni sesibili. (Sib. CC siphiwlvv@yahoo.com)
- Gcina ngalowo loseluhlweni lwekugcina lobekwe esikhaleni sesitsatfu. (Sib BCC mazetzz@gmail.com)
- Akube nesibingelelo lesihambelana ne-imeyili. (Sib.Mphatsi wenzawo.)
- Ayibe nesihloko lesiveta inhloso yalokubhalwako. (Sib.Sikhalo ngekukhishwa echibini lekubhukusha.)
- Ayibe nesingeniso lesifisha, umtimba nesiphetfo lesifisha.
- Sivalaleliso asibe ngulesihlekile, sibongo siyafakwa. Sib. Ngimi lotitfobako
Bonakele Mtungwa

LOKUBALULEKILE:

- Iimeyili ayivete umhlolwa asola logadza ngalesento sekubacosha echibini singakefiki sikhatsi sekuphuma.
- Ayibhalwe ilandzele sakhiwo se-emeyili.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)**[25]**

2.6

SIHLATIYWA**LOKUCUKETFE:**

Sihlatiwa asiphatselane nelibhuku lolifundzile walitsandza.

SAKHIWO:

- Singeniso.
- Umtimba.
- Siphetto.

IMININGWANE LELINDZELEKILE:

- Sihloko sesihlatiwa.
- Ligama lelibhuku.
- Lusuku lokushicilelwe ngalo lelibhuku.
- Sifinyeto selibhuku ngalokufisha.
- Ingcikitsi yelibhuku.
- Imibono yemhlolwa ngalelibhuku. (Tincomo).

LOKUBALULEKILE:

- Umhlolwa akaphindze abhale sifinyeto salelibhuku leSiswati.
- Umhlolwa akavete tintfo latitsandzile letakhako naleti langakatitsandzi ngalelibhuku.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)**[25]**

SAMBA SESIGABA B: 50
SAMBA SAKO KONKHE: 100

CAPHELA:

- Sebentisa irubhriki njalo nawumaka indzaba (Liphepha le-3, SIGABA A).
- Emamaki lasukela ku-0–50 ehlukaniwe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusilele naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukaniwe ngekwelizinga lelisetulu ngalokubabatekako nelizinga lelisetulu ngalokungababateki, ngekwehlukana kwemamaki netinchazelo temakhono.
- Sakhiwo sona asitsintseki ngalokwehlukaniwa kwelizinga lelisetulu ngalokubabatekako nelizinga lelisetulu ngalokungababateki.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI]

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE NEKUHLELA (Imphendvulo nemibono) Kuhleleka kwemibono nakulungiselelwa kubhala Kucikelelwa kwenhloso, tetsamelilwati nesimongcondvo. 30 EMAMAKI	Lizinga lelisetulu ngalokubabatekako	28–30	22–24	16–18	10–12	4–6
		-Imphendvulo lengemalengiso lababateka ngetulu kwalokulindzelekile. -Imibono ivutsiwe, inekuhlakanipha lokukhombisa kucabanga lokujulile. -Kuhleleka kungemalengiso lababatekako kubumbene nesingeniso, umtimba kanye nesiphetfo.	-Imphendvulo lesecophelweni lelisetulu ngalokubabatekako. -Imibono ivutsiwe, iyaheha ihambisana nesihloko ngalokuphelele. -Kuhleleka kusecophelweni lelisetulu kakhulu, lokubumbene nesingeniso, umtimba nesiphetfo.	-Imphendvulo leyenetisako. -Imibono ibumbene futsi iyakholweka ngalokwenetisako. -Kuhleleka kubumbene nesingeniso, umtimba nesiphetfo ngalokwenetisako.	-Imphendvulo lengakabumbani. -Imibono ayikacaci kantsi futsi akusiyo yekuticambela. -Buncane bufakazi bekuhleleka nekubumbana.	-Yonkhe imphendvulo iyanhlanhlatsa. -Imibono ihlangahlangene futsi iyadidana ayikacondzi ngco. -Kunekuphindzaphindza lokungevakali. -Akukho kuhleleka nekubumbana.
	Lizinga lelisetulu ngalokungababateki	25–27	19–21	13–15	7–9	0–3
		-Imphendvulo lengemalengiso kodvwa ingenato timphawu tekubabateka. -Imibono ivutsiwe futsi ihlakaniphile. -Kuhleleka lokungemalengiso kubumbene nesingeniso, umtimba nesiphetfo.	-Imphendvulo lesecophelweni lelisetulu. -Imibono iyaheha ihambisana nesihloko. -Kuhleleka lokusecophelweni lelisetulu lokubumbene nesingeniso, umtimba nesiphetfo.	-Imphendvulo leyenetisako kodvwa kukhona lokungevakali kahle. -Imibono ibumbene iyakholweka. -Kukhona kuhleleka lokutsite kanye nekubumbana nesingeniso, umtimba nesiphetfo.	-Imphendvulo legcwele kunhlanhlatsa. -Imibono ayihlangani, iyadidana. -Abukho bufakazi bekuhleleka nekubumbana.	-Awukho namncane umzamo wekuphendvula ngesihloko. -Yonkhe imphendvulo iyanhlanhlatsa, ayemukeleki. -Akuvakali, kuahlangahlangene.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LULWIMI, SITAYELA NEKUHLUNGWA KWEMAPHUTSA Kuhambelana kwemoya irejista, sitayela, silulumagama nenhloso nesimongcondvo Kusetjentiswa kwelulwimi, timphawu tekufundza nekubhala, luhlelo, sipelingi (lupelelomagama)	Lizinga lelisetulu ngalokubabatekako	14–15 -Umoya, irejista, sitayela nesilulumagama kuhambelana nenhloso tetsamelilwati nesimongcondvo ngemalengiso lababatekako. -Lulwimi lolunekutetsemba lolugculisako nalolunemba ngemalengiso lababatekako. -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo. -Esikhatsini lesinyenti kakhulu emaphutsa eluhlelo nesipelingi kute. -Kunekuticambela lokungemalengiso lasetulu kakhulu.	11–12 -Umoya, irejista, sitayela nesilulumagama kuhambelana nenhloso tetsamelilwati nesimongcondvo ngelicophelo lelisetulu. -Lulwimi lusecophelweni lelisetulu kantsi nemoya uyemukeleka emphendvulweni yonkhe. -Emaphutsa eluhlelo nesipelingi akasimanyenti. -Kuticambela lokusecophelweni lelisetulu.	8–9 -Umoya, irejista, sitayela nesilulumagama kuhambelana nenhloso tetsamelilwati nesimongcondvo ngalokwenetisako. -Lulwimi lusetjentiswe ngalokwenetisako kwetfula lokushiwo embhalweni. -Umoya uyenetisa. -Emasu ebugagu belulwimi asetjentisiwe kunotsisa lokucuketfwe.	5–6 -Umoya, irejista, sitayela nesilulumagama akuhambelani nenhloso tetsamelilwati nesimongcondvo. -Kusetjentiswa kwelulwimi kusacatfuta. -Umoya nekukhetseka kwemagama akwemukeleki. -Silulumagama sincane kakhulu.	0–3 -Lulwimi aluvakali. -Umoya, irejista, sitayela nesilulumagama akuhambelani nakancane nenhloso tetsamelilwati nesimongcondvo. -Silulumagama sincane ngendlela yekutsi lokubhaliwe akungalandzeleki.
15 EMAMAKI	Lizinga lelisetulu ngalokungababateki	13 -Lulwimi lusetjentiswe ngemalengiso nangalokuveta umoya lokhutsatako ngemphumelelo. -Esikhatsini lesinyenti emaphutsa eluhlelo nesipelingi awekho. -Kuticambela kungemalengiso.	10 -Lulwimi lusetjentiswe ngemphumelelo lesecopheweni lelisetulu. -Umoya uyemukeleka futsi uneligalelo lelemukelekile. -Emaphutsa eluhlelo nesipelingi ambalwa. -Icambeke kahle.	7 -Lulwimi lusetjentiswe ngalokwenetisako kodvwa ngalokungafani embhalweni wonkhe. -Imvamisa umoya wemukelekile, emasu ebugagu belulwimi asetjentiswe kancane.	4 -Lulwimi lusetjentiswe ngalokungenetisi. -Kusetjentiswa kwetinhlobo letehlukene temisho kuncane/kute. -Silulumagama sincane kakhulu.	

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
SAKHIWO		5	4	3	2	0–1
Timphawu tetheksthi Kutfutukiswa kwetindzima nekwakhiwa kwemisho		-Sihloko sitfutukiswe ngemalengiso. -Imininingwane yetfulwe ngemalengiso. -Imisho netindzima kwakheke ngemalengiso lababatekako.	-Imininingwane itfutukiswe ngalokuhlelekile. -Kunekubumbana. -Imisho netindzima kuhlelekile futsi kutinhlobonhlobo.	-Imininingwane ihambisana nesihloko. -Imisho netindzima kwakheke kahle. -Indzaba iyevakala.	-Lamanye emaphuzu emukelekile. -Imisho netindzima kunemaphutsa. -Indzaba iyevakala noko.	-Emaphuzu ladzingekile asilele. -Imisho netindzima kunemaphutsa. -Indzaba ayinamcondvo.
5 EMAMAKI						

SIGABA B: EMATHEKSTHI EMIBHALOMBIKO LEMIDZE (25)**IRUBHRIKI YEKUHLOLA ITHEKSTHI YEMBHALOMBIKO LOMUDZE WELULWIMI LWASEKHAYA [25 EMAMAKI]**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE, KUHLELA NESAKHIWO Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timphawu/timiso, nesimongcondvo. 15 EMAMAKI	13–15 -Imphendvulo lengemalengiso lababatekako. -Imibono ivutsiwe, inekuhlakanipha lokukhombisa kucabanga lokujulile. -Lwati lolungemalengiso lwetimpawu teluhlobo lwetheksthi lebhawako. -Umbhalo ucondze ngco. -Lokucuketfwe kunemibono lebumbene ngemalengiso. -Yonkhe imininingwane icaciswe ngemalengiso kantsi futsi yesekela sihloko. -Sakhiwo lesifanele lesingemalengiso nalesingenamaphutsa.	10–12 -Imphendvulo lesecophelweni lelisetulu lekhombisa lwati lolusecophelweni lelisetulu lweluhlobo lwetheksthi lebhawako. -Umbhalo ucondze ngco awutsemeleti. -Lokucuketfwe kunemibono lebumbene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.	7–9 -Imphendvulo leyenetisako lekhombisa lwati lweluhlobo lwetheksthi lebhawako. -Umbhalo awukacondzi ngco ngalokuphelele unekutsemeleta lokutsite. -Emaphuzu alokucuketfwe abumbene ngalokwenetisako. -Leminye imininingwane iyasesekela sihloko. -Sakhiwo siyenetisa kodvwa sinemaphutsa latsite.	4–6 -Imphendvulo lecatfutako lekhombisa lwati loluncane lweluhlobo lwetheksthi lebhawako. -Umbhalo unekutsemeleta lokunyenti. -Kubumbana kwemaphuzu alokucuketfwe kuncane kakhulu. -Imbalwa imininingwane leyesekela sihloko. -Imitsetfo netimiso letibalulekile tesakhiwo setheksthi atikalandzelwa ngalokufanele. -Kunyenti lokubalulekile lokusilele.	0–3 -Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako. -Inshokutsi iyanhlanhlatsa, igcwele kutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu imininingwane leyesekela sihloko. -Imitsetfo netimiso tesakhiwo setheksthi letibalulekile atikalandzelwa nakancane.
LULWIMI, SITAYELA NEKUHLUNGWA KWEMAPHUTSA Umoya, irejista, sitayela, inhloso, tetsamelilwati nesimongcondvo. Timiso nekusetjentiswa kwelulwimi Kukhetseka kwemagama Timphawu tekufundza nekubhala nesipelingi. 10 EMAMAKI	9–10 -Umoya, irejista, sitayela nesilulumagama kuhambelana ngemalengiso nenhloso tetsamelilwati nesimongcondvo. -Luhlelo alunamaphutsa kantsi futsi icambeke kahle. -Esikhatsini lesinyenti akunamaphutsa.	7–8 -Umoya, irejista, sitayela nesilulumagama kuhambelana nenhloso tetsamelilwati nesimongcondvo ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.	5–6 -Umoya, irejista, sitayela nesilulumagama kuhambelana nenhloso tetsamelilwati nesimongcondvo ngalokwenetisako. -Kunemaphutsa latsite eluhlelo. -Silulumagama lesenetisako. -Emaphutsa akayiphazamisi inshokutsi.	3–4 -Umoya, irejista, sitayela nesilulumagama akuhambelani kahle nenhloso tetsamelilwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.	0–2 -Umoya, irejista, sitayela nesilulumagama akuhambelani nakancane nenhloso tetsamelilwati nesimongcondvo. -Kugcwele emaphutsa lamanyenti ladidanako. -Silulumagama asihambisani nakancane nenhloso. -Inshokutsi ihlangahlangene kakhulu.
KWEHLUKA KWEMAMAKI	22–25	17–20	12–15	7–10	0–5